

नक्सलबाड़ी पीढ़ी ता सीनियर कम्युनिस्ट,
मावा पार्टी ता पोलिट ब्यूरो सदस्य,
काँमरेड नारायण सान्याल
आखरी जीत एवनल दीर्घकालिक जनयुद्ध लोपा
साहस संगे मुन्ने दायना काजे
प्रेरणा ईसोरे मंदनोर!



केंद्रीय कमेटी
भाकपा (माओवादी)

अप्रेल 30, 2017

**नक्सलबाड़ी पिड़िता सीनियर कम्युनिस्ट, मावा पार्टी ता पोलिट ब्यूरो
सदस्य, कॉमरेड नारायण सान्याल,
आखरी जीत एवनल दीर्घकालित जन युद्ध लोपा
साहस संगे मुन्ने दायना काजे प्रेरण ईसोरे मंदनोर!**

मावा पार्टी ते सीनियर कॉमरेड, नक्सलबाड़ी पिड़िता आखरी क्रांतिकारी लोपा वेरोर, कॉमरेड नारायण सान्याल (बिजय, प्रसाद) कैन्सर बीमारी ते 80 साल ता उम्र ते 2017 अप्रैल 16 तारीख ते शहीद आत्तोर। गलत केस कुना लोपा दुश्मन ओन कुन 9 साल जैल ते तासी वेलय तिप्पल कीत्तोर। बेरसना उम्र, कमजोरी आयना स्वास्थ्य कारण ते 2014 नवम्बर ते जमानत ते जेल तल पेस्तोर। शहीद आयना समय तुकु ओना पोरो अलग अलग राज्य ते वेलय केस ताकसोरे मत्ता। गिरफतार आयना समय तुके कॉमरेड बिजय दादा कुन बीमारी मत्ता। वेलय साल जेल ते मंदनद, जेल ते मंदनस्के भारत सरकार ओन किन इलाज कीवा कारण ते अव बीमारींग ओस्सो बेरस्ता। भारत सरकार ता लाफरवाही ता कारण तेने दादा अचानक आमुर आत्तोर। कॉमरेड बिजय दादा ना शहदत तल मावा सीसी, पार्टी, क्रांतिकारी आंदोलन, देश ता मेहनतकश जनता तमक जीवा ता वेरोन नेतान नुकसान आत्तोर। जनता काजे, स्वार्थ लेवा, आदा शताब्दि समय उत्पीड़ित जनता कुन, क्रांति कुन जीवा कीसि वीर काम कीत्तोर। ओना शहदत मावा पार्टी तुकु, भारत क्रांति तुकु, जनता कुनु बेहरा नुकसान आंदू। मावा पार्टी ता केंद्रीय कमेटी मना जीवा ता कॉमरेड बिजयदा कुन क्रांतिकारी जोहार वेहसोरे मंता। ओर बद आशय काजे काम कीसि, जीवा इत्तोरु अव आशय कुन पूरा कीयना काजे आखरी जीत एवनल क्रांतिकारी वर्ग संघर्ष लोपा काम कीतोम इंजि मुट्टि तेहिसि किरिया कीयमंता। देश मेण्ड ओना संगे परिचय मत्ता कुटमातोर, जोकातोर, ओस्सो ओना संगे संगे काम कीत्ता कॉमरेड्स कुन सीसी जीवा नूसोरे संदेश एवसि कीयमंता। आदर्श कम्युनिस्ट लेक्का नित्तिता कॉमरेड बिजयदा कुन देश ता मोत्तम पार्टी, पीएलजीए, क्रांतिकारी जन संगठनकु जोहार वेहतामंतांग। ओना सर्वहरा बुद्धि तल करिइंता, नक्सलबाड़ी दिशा ते ओना पिस्वड़ मेटा प्रतिबद्धता तल प्रेरणा एतिंता। इद समाज तुन शोषण, उत्पीड़न तल मुक्ति कीयना ओना सपना तुन पूरा कीयना काजे किरिया कीयमंता।

शुरू ता राजनीतिक जिंदगी

1937 ते पश्चिम बंगाल राज्य ते मध्यम वर्ग कुटुमा ते कॉमरेड नारायण सन्याल जनुम आत्तोर। ओर उड़ला मंदनस्के उपनिवेश खिलाफ ता संघर्ष, भारत ता विभाजन, कम्युनिस्ट आंदोलन, मुख्य रूप ते तेभागा आंदोलन तल प्रेरणा एतितोर। लख्योर मंदनस्के कम्युनिजम तल प्रभावित आत्तोर। छात्र मंदनस्के स्टूडेंट्स फेडरेशन कार्यकर्ता बनेमात्तोर। इचुक समय लोपाने भारत ता कम्युनिस्ट पार्टी (भाकपा/सीपीआइ) ते सदस्य बनेमात्तोर। ग्राइयुयेशन (इतेके कालेज) मार्ता पय्या सरकारी बँक ते नौकरी दोरकता। भाकपा तोरा जन संगठन मत्ता इद बँक कर्मचारी संगठन लोपा कार्यकर्ता लेक्का ओना राजनीतिक जिंदगी शुरू आत्ता। अस्कटक भाकपा नेतृत्व पूरा संशोधनवाद लोपा मुडुंदता। सीपीएसयू (इतेके रूस ता कम्युनिस्ट पार्टी—बोल्शेविक पार्टी) ते कृश्चेव संशोधनवाद गुट खिलाफ ते माओ नेतृत्व ते चीन ता कम्युनिस्ट पार्टी (सीपीसी) ताकी कीत्ता महान बहस (ग्रेट डिबेट) दुनिया ता कम्युनिस्ट पार्टींग लोपा संशोधनवाद खिलाफ ते संघर्ष तुन पोसि कीत्ता।

भारत देश ते वेन्ने सही कम्युनिस्टलोर भाकपा ता संशोधनवाद नेतृत्व तुन सवाल कीयलात्तोर। सैद्धांतिक संघर्ष शुरू आत्ता। इंडो—चीन युद्ध ते इद संघर्ष तीव्र आत्ता। अंतर्राष्ट्रीय कम्युनिस्ट आंदोलन लोपा ताकना इद चर्चा तुन कॉमरेड बिजय पक्कय ध्यान ते समझेमात्तोर। चीन कम्युनिस्ट पार्टी (सीपीसी) तुन समर्थन इसि भाकपा लोपा मंदना क्रांतिकारीरा संगे एकता आत्तोर। पार्टी टुकड़ा आसि भाकपा (मार्क्सवादी) बनेमात्तस्के संशोधनवाद संगे कच्चित रूप ते अलग आसि, क्रांतिकारी हरिं पोइंता इंजि आशा कीसि ओर पूना पार्टी लोपा सदस्य बनेमात्तोर। मति भाकपा (मार्क्सवादी) नेतृत्व ता दक्षिणपंथी अवसरवाद अदिना कार्यक्रम लोपा, आचरण लोपा उब्बये पेस्ता। कॉमरेड्स चारु मजुमदार, कन्हय छटर्जी लेक्कटा सही क्रांतिकारी अदिना पोर्से तीव्र आलोचना कीत्तोर। विशेष ते कॉमरेड सीएम ना आठ आइतिहासिक दस्तावेजकु क्रांतिकारी दिशा तुन मानेमायवालोरा पोर्से वेलय प्रभावित कीत्ता। वीर माओ त्से—तुण्ड विचारधारा तुन, सीपीसी तुनु तेहिचि पोइत्तोर। भाकपा (मार्क्सवादी) लोपा इद सैद्धांतिक संघर्ष तल कॉमरेड बिजय वेलय प्रभावित आत्तोर। चीन ता महान सर्वहरा सांस्कृतिक क्रांति, देश ते बेरसना क्रांति ता संकट ता पुष्टभूमि ते इद संघर्ष तीव्र आत्ता। महान नक्सलबाड़ी

क्रांतिकारी किसान संघर्ष पोकता । कॉमरेड बिजय सीएम ना क्रांतिकारी दिशा तुन दृढ़ रूप ते समर्थन ईत्तोर, नक्सलबाड़ी क्रांतिकारी किसानलोर कुन तेहिचि पोइत्तोर । भाकपा (माक्सवादी) संगे पूरा अलग आसि क्रांतिकारी कार्यक्रम लोपा डिगतोर । पूना बनेमात्ता भाकपा (माक्सवादी—लेनिनवादी) ते सदस्य बनेमात्तोर । अदिना पेरिके इचुक समय तेने कॉमरेड बिजय बैंक नौकरी विडिचि मंजि पूर्ण काल क्रांतिकारी बनेमात्तोर । नक्सलबाड़ी ता किस तुन विस्तार कीयना काजे, बेस एरिया निर्माण कीयना दृष्टिकोण संगे भाकपा(माले) ओन किन 1960 दशक आखरी ते सामंतवाद उत्पीड़न लोपा दबेमासि मत्ता किसानलोर कुन संगठित कीयना काजे बिहार राज्य ता नाटेना इलाका तगा लोहिसित्ता । नक्सलबाड़ी ता संघर्ष अस्क्रेटक बिहार ते सामंतवाद खिलाफ ता संघर्ष तुकु ओत्ता । कॉमरेड बिजय इद संघर्ष लोपा पूरा बिडेमात्तोर । 1969—72 नड़मा सामंतवादीरा गूण्डालोर, पुलीसतोर हमलांग लोपा देश मेटा सेकड़ो कॉमरेड्स शहीद आत्तोर । राज्य दमन लोपा हजारो मुल गिरफतार आत्तोर । इद कठिन परिस्थिति लोपा ओर नक्सलबाड़ी दिशा तुन दृढ़ रूप ते तेहिचि पोइत्तोर । असली रूप ते पेस्ता संशोधनवादी दिशा पोरो संघर्ष कीत्तोर । 1970—71 ते सत्यानारायण सिंग (माले पार्टी सीसीएम, पीबीएम) ना विच्छिन्नकर, दक्षिणपंथी अवसरवाद, दिवालेपन दिशा तुकु खिलाफ ते स्थिर संघर्ष ताकी कीसि, नक्सलबाड़ी दिशा तुन हिम्मत ते तेहिचि पोइत्तोर । पार्टी तुकु, आंदोलन तुकु एसएनएस गद्दारी कीत्ता पय्या, कॉमरेड बिजय बिहार राज्य कमेटी तुकु सचिव बनेमात्तोर । मति कम समय लोपाने 1972 ते ओर गिरफतार आत्तनकु वेलय समय बिहार आंदोलन कुन मार्गदर्शन इय परवोर आत्तोर । अदिन विकसित कीयना मौका ओन किन दोरकवा मत्ता ।

क्रांतिकारीरा एकता लोपा, भाकपा(माले)पीयू पार्टी बना कीयना लोपा ओना मूमिका

गिरफतार आत्ता पय्या कॉमरेड बिजय दादा कुन मुन्ने बिहार ते उंदि जेल ते तास्तोर । अदिना पेरिके बंगाल ते तास्तोर । ओन किन पुलीसतोर क्रूर यातना कीत्तोर । मति ओर दृढ़ रूप ते नित्तितोर । दुश्मन कुन मुकाबला कीयना कॉमरेड बिजयदा नगड़ल माट प्रेरणा एतना । वेलय मुल नेतृत्व कॉमरेड्स लेक्कने ओर, ओना संगेटा क्रांतिकारीर जेल अधिकारीर कीत्ता हमलांग लोपा गटिग नित्तितोर । ओरा संगे कॉमरेड बिजय राजनीतिक बंदीलोरा हक काजे, अलग अलग डिमाण्ड

काजे ताकता संघर्ष कुन नेतृत्व कीत्तोर। जेल ते मंदनस्के, अदिना पेरिकेटा समय ते भाकपा(माओवादी) केंद्रीय कमेटी सदस्य मत्ता कॉमरेड परिमल सेन (अजय), भाकपा (माओवादी) पश्चिम बंगाल राज्य कमेटी सदस्य कॉमरेड अजित, ओस्सो नेतृत्व केडरलोरा संगे कॉमरेड नारायण सन्याल एरे एरे मत्तोर। अचुन जाम भाकपा(माले) नेतृत्व कीत्ता क्रांतिकारी आंदोलन कुन ओर समिष्टि इसाब ते समीक्षा कीत्तोर। इचुक मौलिक विषय कुना लोपा उंदि रंगिना विचार तुक वात्तोर। उंदि सही पार्टी मतेके, इद समीक्षा बुनियादी ते सही क्रांतिकारीरा एकता बारे ते ओर समजदारी तुकु वत्तोर। भाकपा(माले) दिशा, सीएम ना भूमिका बारे ते दक्षिणपंथी अवसरवादीर मनमानी ते हमला ताकी कीयना परिस्थिति लोपा कॉमरेड सीएम ना शहदत, नक्सलबाडी पेरिके गुच्चता कारण ते, एकता समस्या, नैतिकता समस्यांग क्रांतिकारी शिविर तुन स्थगित कीत्ता। अस्के सही क्रांतिकारीरा संगे एकता काजे, आंदोलन कुन पुनर निर्माण काजे ताकता कोशिश लोपा कॉमरेड बिजय जेल तल वेलय मुख्य भूमिका निभा कीत्तोर।

आपत्कालिन परिस्थिति टेण्डता पर्या कॉमरेड बिजय ना संगे वेलय कॉमरेड्स जेल तल रिहाइ आत्तोर। ओर, ओना लेक्का विचार कीत्ता कॉमरेड्स कम समय लोपाने सही क्रांतिकारी गुट कुना संगे, व्यक्तिलोरा संगे चर्चा ताकी कीसि, भाकपा(माले) आठवा कांग्रेस पोइत्ता दिशा, तम मुन्नेटा समीक्षा बुनियादी ते एकता आयना काजे इमानदारी ते कोशिश कीत्तोर। मति अद कोशिश आलस्तचुन काम ईवो। तम समीक्षा बुनियादी ते क्रांतिकारी आंदोलन तुन विकसित कीतेकेते तम कोशिश सफल आंता इंजि ओर समजेमात्तोर। इद्रम समजेमासि ओर 1978 नवम्बर ते अधिवेशन ताकी कीत्तोर। भाकपा(माले) ना आइतिहासिक महत्व ता बारे ने, एकता बारे ते, वर्ग दूश्मन ना उन्मूलन 'दिशा' बारे ते मूंड मुख ता डाक्युमेंटकु अनुमोदन कीत्तोर। इद आइतिहासिक अधिवेशन कुना लोपा भाकपा(माले)(पार्टी यूनिटी) इंदना पूना पार्टी बनेमात्ता। पार्टी तुकु नेतृत्व कीयना काजे सीओसी तुन चुना कीत्तोर। कॉमरेड बिजय इदिना लोपा सदस्य आत्तोर। दक्षिण मध्य बिहार ते रणनीतिक दृष्टि ते क्रांतिकारी किसान आंदोलन निर्माण कीयना इंजि पार्टी निर्णय कीत्ता। अद्रमे पश्चिम बंगाल ते नादिया, मुर्षिदाबाद जिलांग तगा वेन्ने किसानलोरा लोपा कोशिश शुरू आत्ता।

पार्टी यूनिटी बनेमात्ता पेरिके सीओसी पिस्ता क्रांतिकारी गुट कुना संगे एकता

काजे कोशिश चालू कीत्ता। मुन्नेटा एकता 1980 ते कम्युनिस्ट क्रांतिकारी संगठन (सीकेएस) संगे ताकता। इदिनगडाल भाकपा(माले)(यूओ) बनेमात्ता। मुन्नेटा सीओसी, भाकपा(माले) लोपा उंदि सेक्षन कॉमरेड्स शर्मा, अप्पलसूरि नेतृत्व ते 1982 जनवरि ते यूओ संगे कलिसि मंजि भाकपा(माले)पार्टी यूनिटी बनेमात्ता। मुख्य रूप ने पश्चिम बंगाल ते क्रियाशीलक रूप ने काम कीसोरे मत्ता सीसीआरआइ(माले) बिहार फाक्षन (गुट) 1988 ते पीयू संगे एकता आत्ता। पंजाब ते कोआर्डिनेशन सेंटर (संग्राम ग्रूप) लेक्का मत्ता भाकपा(माले)सीटी ते उंदि सेक्षन 1990 ते पीयू संगे एकता आत्ता। इव सब्बे एकतांग कुना लोपा कॉमरेड बिजय मुख्य भूमिका निभा कीत्तोर।

क्रांतिकारी आंदोलन तुन विकसित कीयना लोपा बिजय दादा ता भूमिका

विलय कुना संगे मजबूत आत्ता पीयू बिहार राज्य ता मगध इलाका लोपा कृषि क्रांति तुन विकसित कीयना लक्ष्य संगे ताकता। पार्टी केंद्र नेतृत्व लोपा उंदि गणनीय सेक्षन इद कर्तव्य काजे केंद्रीकरण कीत्ता। कॉमरेड बिजय दादा इद काम लोपा मुन्ने नित्ति मंजि प्रत्यक्ष रूप ते नेतृत्व कीत्तोर। नक्सलबाडी क्रांतिकारी किसान संघर्ष ता अनुभव तल करिसोरे, जन दिशा तुन लागू कीसोरे, कोयल कैमूर, जहानाबाद, औरंगाबाद इलाकांग लोपा सामंतवाद खिलाफ ते शक्तिशाली संघर्ष तुन निर्माण कीत्तोर। पार्टी यूनिटकु बना कीत्तोर। मजदूरलोर, किसान संस्था (एमकेएसएस) तुन बने कीत्तोर। सामंतवादीरा गूंडालोर कुन, राज्य ता सशस्त्र बल कुन प्रतिरोध कीयना काजे जन मिलिशिया कुन, गुरिल्ला दल कुन बना कीत्तोर। जन संगठन तल, मिलिशिया तल पार्टी लोपा, गुरिल्ला दल लोपा सदस्यीर कुन भर्ती कीसि आंदोलत तुन मजबूत कीत्तोर। सामंतवादीरगडल, पुलीसतोरगडल हथियार पिडिंगी मंजि इव दलकु विस्तार आत्ता। आंदोलन तल वत्ता सफलतांग कुन संगठित कीसि मुन्ने दायना काजे पार्टी एड्युकेशन एवसी कीत्तोर। अद्रमे बंगाल मैदान इलाका लोपा, मुख्य रूप ते नादिया, मुर्षिदाबाद, माल्डा जिलांग लोपा सीपीएम सोषल फासीवादी शासन खिलाफ ते लडेमासोरे पार्टी किसान क्रांतिकारी संघर्ष तुन विकसिन कीत्ता। पीयू नेतृत्व ते उंदि सेक्षन इद आंदोलन तुन मुन्ने ओयला केंद्रीकरण कीत्ता। इद इलाका पीयू नेतृत्व ते वर्ग संघर्ष लोपा उंदि मुख्य इलाका लेकका बनेमात्ता।

बिहार, बंगाल ते सामंतवादी खिलाफ ता संघर्ष संगे संगेते, आत्ता अनुभव तल

करिसोरे, साम्राज्यवाद, सामंतवादीरा खिलाफ ते पिस्ता जनता ना समस्यांग पोरो राजनीतिक इसाब ते संगठित कीत्तोर। पटना शहर, कोलकत्ता, क्रिष्णनगर ते मजदूरलोर, छात्रालोर, नवजवानलोर कुन संगठित कीत्तोर। नाटेना इलाका लोपा महिला क्षेत्र विकसित आत्ता। पंजाब, आंध्रप्रदेश राज्य ते श्रीकाकुलम, विजयनगरम जिलांग ते इचुक इलाकांग लोपा नाटेना इलाका ता क्रांतिकारी आंदोलन विकसित आत्ता। इद्रम नाटेना, शहर इलाकांग ने जन बुनियादी ते, पूर्वी भारत ते पार्टी क्रांतिकारी आंदोलन तुन विकसित कीत्ता। इद योजना तुन बना कीयना लोपा, लागू कीयना लोपा पार्टी ता सीओसी सदस्य इसाब ते कॉमरेड बिजय मुख्य भूमिका निभा कीत्तोर।

आंतरिक संघर्ष ते पार्टी तुकु नेतृत्व कीयना लोपा

आत्ता अनुभव तुन क्रोडीकरण कीयना काजे, पूना उच्छस्तर कर्तव्यकु बना कीसि आंदोलत तुन मुन्ने ओयना काज परिस्थितिंग पकेमायना समय ते अस्केटा पार्टी सचिव अशोक दक्षिणपंथी अवसरवाद दिशा तुन मुन्ने तत्तोर। कृषि लोपा पूंजिपत्ति संबंध विकसित आत्तानकु अर्थ उपनिवेशक, अर्थ सामंतवादी संबंध लोपा मौलिक बदलावकु वात्ता इंजि, अदेनके कृषि क्रांति, दीर्घकालिन जन युद्ध दिशा सही इंजि उयतूर इद दिशा तुन समर्थन ईत्तोर। मति मार्क्सवादी विश्लेषण ते तम विचार तुन समजा कीयना लोपा ओर विफल आत्तोर। इतेके तम दिशा तुन लागू कीयना काजे निर्दिष्ट रणनीति, कार्यनीति कुन मुन्ने तत्ता परवोर आत्तोर। इद संशोधनवादी दिशा पार्टी ता क्रांतिकारी स्वभाव तुन, अचुन एवनल एत्ता सफलतांग कुन सिम कीयना काजे कोशिश कीत्ता। 1987 ते पार्टी केंद्र अधिवेशन ते इद सैद्धांतिक-राजनीतिक संघर्ष उंदि इसाब ते वत्ता। गलत दिशा तुना खिलाफ ते इद संघर्ष तुन कॉमरेड बिजय दृढ़ रूप ते लागू कीत्तोर। सही दिशा तुन समर्थन कीसि पार्टी तुन राका कीत्तोर। अधिवेशन लोपा इद गलत दिशा तुन हारा कीसि, कृषि क्रांति तल नव जनवादी क्रांति ताकी कीयना दीर्घकालिन जनयुद्ध दिशा तुन ओस्सो गटिंग वेहत्तोर। उच्छस्तर बुनियादी पोरो पार्टी एकता हासिल कीत्ता। अशोक, ओस्सो वेरोर सीओसीएम पार्टी तुन विडस्तोर। कॉमरेड बिजयदा पार्टी महा सचिव बनेमात्तोर। 1987 तल 1998 एवनल भाकपा(माले)पीपुल्सवार संगे विलय आसि, एकता आत्ता पूना पार्टी भाकपा(माले)[पीडबल्यु], बनेमायना जाम ओरे सचिव लेक्का पार्टी तुकु क्षमतापूर्वक नेतृत्व एवसि कीत्तोर।

विलय , एकीकृत पार्टी लोपा ओना भूमिका

पीयू सचिव लेक्का, आत्ता साधारण समीक्षा बुनियादी ते सही कम्युनिस्ट क्रांतिकारीरा संगे एकता आयना इंदना भाकपा(माले) आठवा कांग्रेस समजदारी तुन कॉमरेड बिजय बेस्के वेन्ने तेहिचि पोइंदूर । मुख्य रूप ते देश दुनिया ते वायना बदलाव कुना बारे ते उंदि रंगिना समजदारी ता बुनियादी ते भाकपा(माले)(पीडबल्यु), भाकपा(माले)पीयू ना नडमा 1995 ते एकता चर्चा शुरु आत्ता । एकता क्रम लोपा 1997 ते पीयू केंद्र अधिवेशन ताकता । इद अधिवेशन पार्टी नेतृत्व ते ताकता 18 साल ता आंदोलन तुन समीक्षा कीत्ता । इदिना पय्या ताकता रेंड दिशा कुना नडमा संघर्ष पीयू राजनीतिक दिशा तुन विकसिन कीयना काजे बेस आत्ता । इद आलोचनात्मक डाक्युमेंट कीत्ता इचुक बेस ता, सही ता आलोचनांग कुन पीओआर ते जोडा कीत्तोर । इद रेंड दिशा नडमा संघर्ष तुन सही रीति ने ताकी कीयना लोपा कॉमरेड बिजय मुख्य भूमिका निभा कीत्तोर । अधिवेशन सफल आयना लोपा बेस काम कीत्तोर । पीयू, पीडबल्यु एकता हासिल कीयना लोपा इद अधिवेशन तुनकु मुख्य भूमिका मंता । लग भग तीन साल लोपा एकता क्रम ताकी मंजि अदिना पय्या मोत्तम मौलिक सैद्धांतिक, राजनीतिक, सांगठिनिक, सैनिक विषय कुना पोरो उंदि समजदारी तुकु वासि रेंड पार्टींग मिलेमासि भाकपा(माले)[पीडबल्यु] बनेमात्ता । पीयू तरफ ते कॉमरेड बिजय मुख्य भूमिका निभा कीत्तोर । अदिना प्रतिनिधि मंडल तुनकु नेतृत्व कीत्तोर । एकता विचार ते अद पार्टी ता समजदारींग कुन मुन्ने तास्तोर । विलय आत्ता पय्या कॉमरेड सीएम नेतृत्व लोपा 1970 आठवा कांग्रेस ताकता लग भग तीस साल पेरिके नवी कांग्रेस ताकी कीयना काजे एकता आत्ता पार्टी, तयारी शुरु कीत्ता । उंदि सीनियर कॉमरेड, पीबीएम कॉमरेड बिजय इव तयारींग लोपा, कांग्रेस डाक्युमेंट कुन बना कीयना लोपा, आंदोलत तुन क्रोडीकरण कीयना लोपा, 2001 ते कांग्रेस ताकी कीयना लोपा पूरा जोंग आत्तोर । इद कांग्रेस वामपंथी संकीर्णतावाद दिशा तुन मुन्ने तत्तानस्के ओर सीसी ते सीनियर कॉमरेड इसाब ते अदिन हारा कीसि मुख्य भूमिका निभा कीत्तोर । कांग्रेस सफल आयना लोपा वेन्ने ओना पुख्य भूमिका मत्ता ।

सीसी तल पीबीएम इसाब ते कॉमरेड बिजय एसडबल्युआरबी सचिव संगे अद ब्यूरो तुकु मार्गदर्शन ईत्तोर । करनाटका राज्य ते दक्षिणपंथी अवसरवाद दिशा ता असली चेहरा मुन्ने पेस्तस्के पिस्ता कॉमरेड्स ना संगे अदिना खिलाफ ते संघर्ष

कीसि हारा कीत्तोर। अस्साम ते पूना क्रांतिकारीर पेस्तस्के ओर किन सैद्धांतिक राजनीतिक एड्युकेशन एवसी कीसि ओर संगठित आयना काजे, अगा पार्टी तुन विस्तार कीयना काजे साइता ईत्तोर। इचुक पूर्वोत्तर राष्ट्रीय मुक्ति संस्थांग कुना संगे ओर संबंध ताकी कीत्तोर।

नक्सलबाड़ी समय तल क्रांतिकारी आंदोलन ते मत्ता सीनियर कॉमरेड इसाब ते, भाकपा(माले)पीडबल्यु एकता संगे देश ते माले विचार ते मंदना मेजारिटीतोर एकता आत्तोर। मति बिहार ते पीडबल्यु, एमसीसी नडमा ताकता झगडांग (इव पार्टी इतिहास लोपा ईकड़ ता अध्याय इंजि पेरिके पार्टी वेहत्ता) बारे ते दादल पक्कय आलुस्तोर। रेंड पक्ष तल, सौहार्द पार्टींग नल इमानदारी ते ताकता कोशिश तल एमसीसी, पीडबल्यु पार्टींग आत्मालोचनात्मक इसाब ते आलसिसि इद झगडांग कुन रोमी कीत्ता। 2001 ते ओस्सो द्विपक्षीय संबंध कुन शुरू अयला हरि बनेमात्ता। एकता काजे चर्चांग तुकु ओत्ता। भाकपा(माले)[पीडबल्यु] सीसी तरफ ते कॉमरेड बिजय एमसीसी संगे एकता ता चर्चांग लोपा, एकता आत्ता पार्टी ता बेस ता समजदारी संगे डाक्युमेंटकु तयार कीयना लोपा मुख्य भूमिका निभा कीत्तोर। इद पीडबल्यु, एमसीसी ता विलय तुन, भाकपा(माओवादी) कुन बना कीयना काजे उपयोग आत्ता। इद दादानकु नरिगे कुषी कीत्ता। पूना पार्टी तुकु ओर सीसीएम, पीबीएम इसाब ते जिम्मेदारी एति मत्तोर। पार्टी ता पूरा कर्तव्य कुन बना कीयना लोपा आंदोलन तुन विस्तार कीयना लोपा ओर मुख्य भूमिका निभा कीत्तोर। मध्य-पूर्वी क्षेत्रीय ब्यूरो पेदेर ते योजनाबद्ध रीति ने विस्तार आयना काजे उत्तर छत्तीसगढ़, ओडिशा राज्य कुनगा मिला कीसि उंदि पूना क्षेत्रीय ब्यूरो बनेमात्ता। कॉमरेड बिजय इद आरबी तुकु सचिव बनेमात्तोर। मति ब्यूरो बनेमात्ता 15 महिनांग लोपाने इद ब्यूरो शुरू आयवाये ओर गिरफतार आत्तोर।

जेल जिंदगी, रिहाइ, कुला कार्यक्रमकु

2005 दिसेम्बर 28 तारीख ते कॉमरेड नारायण सन्याल कुन स्थानीय, केंद्र अधिकारीरा संगे शरीकासि आंध्रप्रदेश ता एसआइबी पुलसतोर रायपूर तल ओत्तोर। जनवरि 4 तारीख मुल्पेने ओन किन एपी ते उंदि जिला कोर्ट ते पेसी कीत्तोर। ओरा पोरो एपी ते तिरुपति ते चंद्रबाबु नायडु पोरो हमला कीत्ता केस, बिहार ते जहानाबाद आपरेशन जेल ब्रेक, झारखण्ड राज्य गिरिडि होमगार्ड हथियार गोदाम पोरो हमला, बिहार ते मधुबन बहुल रेड्ड, छत्तीसगढ़ ते 24 जन सीआरपीएफ तोर

किन मापता केस, इद्रम वेलय केस वाटतोर। छत्तीसगढ़ ते उंदि स्थानीय कोर्ट मानवाधिकार कार्यकर्ता डॉक्टर विनायक सेन, व्यापार पियुष गुहा संगे ओना पोर्रो गलत केसकु वाटि मंजि आजीवन कारावास सजा ईत्ता। इद सजा, वेलय समय जेल ते मत्तद ओना लोपा क्रांतिकारी संकल्प कुन, स्फूर्ति कुन सिम कीवो आत्ता। ओर जेल ते वेन्ने मालेमा कुन, पार्टी ता क्रांतिकारी दिशा कुन स्थिर रूप ने पोइसि मत्तोर। हर कम्युनिस्ट करियना आदर्श तुन बना कीत्तोर। मति वेलय समय जेल ते मंदनद, जेल ते मंदना कठिन परिस्थितिंग, बेस ता इलाज लेवा कारण ते ओना स्वास्थ्य पक्कय कमजोर आत्ता। 2014 नवम्बर ते नव साल जेल जिंदगी पेरिके रिहाइ आयनस्के ओना स्वास्थ्य समस्यांग ओस्सो तीव्र आत्ता। मति इद समस्या तुन आलस्वा लेवा कॉमरेड बिजय उब्बये पार्टी ता अग्र स्तर ता सीनियर नेता इसाब ते कुला कार्यक्रम लोपा जोडेमात्तोर। स्वास्थ्य कमजोरी आसोरे मतेके वेन्ने दादा सीसी तुकु इचुकु प्रपोजलकु तासी मंजि जिम्मेदारी एतना काजे तयार मंतन इंजि खबर ईत्तोर। इद्रम कॉमरेड बिजय दादा तना जीवा दायना जोम क्रांतिकारी आंदोलन लोपा परतचुन काम कीयना काजे शक्ति मेण्ड कोशिश कीत्तोर। कैंसर बीमारी कारण ते 2017 अप्रैल 16 तारीख ते तना परिवार, कॉमरेड्स, दोस्तलोरा नडमा जीवा विडुतोर।

मावा जीवा ता कॉमरेड बिजय दादा ना शहदत सीसी तुकु, पार्टी तुकु, क्रांतिकारी आंदोलत तुकु, देश ता उत्पीडित जनता तुकु पक्कय नाराज ता पोल्लो आंदू। दृढ़ कम्युनिस्ट लेक्का ओर तना जिंदगी मेण्ड कीत्ता काम, सही कम्युनिस्टीरा संगे एकता, पीयू-पीडबल्यु, पीडबल्यु-एमसीसी ता विलय लोपा ओना भूमिका, सीसी ते पार्टी ते ओना भूमिका मना कुन हमेषा प्रेरणा ईसोरेने मंदनू। ओना जुकवा स्फूर्ति, लय्योरा लेक्कटा कुषी, पहल, जनता ना मुक्ति काजे सब्बे ईयना इंदना बुद्धि, मालेमा बारे ते, पार्टी मौलिक दिशा बारे ते डूल मूल लेवा दृढ़ रूप ते नित्तनद, दक्षिणपंथी, 'वामपंथी' अवसरवाद पोर्रो संघर्ष कीसि हारा कीयना, सब्बे कम्युनिस्टीरा संगे एकता बारे ते मजबून ता विचार, कॉमरेड्लोरा संगे, जनता ना संगे एकता आयना, जेल ते मंदनस्के जुकवा कम्युनिस्ट संकल्प, जेल तल रिहाइ आत्ता पेरिके ओना तयारी, मावा सूता ते हमेषा मंता।

कॉमरेड बिजय ना लोपा महान कम्युनिस्ट लक्षण मंता। तनक बेस ऊडना इंजि बेस्केने आलसोर। कॉमरेड्स संगे उत्पीडित जनता ना संगे जीवा कीसोरे

मंदनोर । दादानद सादा जीवन, कठिन संघर्ष ता जिंदगी आंदू । पड़ाइ लोपा दादान पक्कय गिरदा मंदू । आन किन वेलय जानकारी मंदू । पेरिके मुन्ने आयवा लेवा, सीदा सादा तना राय वेहवालोर । चर्चा ते मत्ता विषय बारे ते अध्ययन कीवालेवा, शोध कीवलेवा ओर वड़कोर आंदूर । जनवादी केंद्रीयता, समिष्टि काम काज तुन बेस्के वेन्ने मान हींदूर । तनक बदाइ विषय लोपा मतभेद मतेके वेन्ने मेजारिटी राय तुने पालन कींदूर । सीसी ते उम्र ता कॉमरेड इसाब ते कॉमरेड्स कुन मदत इयना काजे, साइता इयना काजे हमेषा तयार मंदूर । मर्मी आयोर । जिंदगी मेण्ड क्रांति काजेने पिस्तोर ।

इद्रम ता कॉमरेड नारायण सन्याल कुन तना संगेटा कॉमरेड्स, उत्पीडित जनता भारत देश ता सीनियर क्रांतिकारी नेताल इंजि मान ईतोर । ओना हेंग दशाब्दि ता क्रांतिकारी जिंदगी, ओना कम्युनिस्ट लक्षणकु, ओना अग्नि मग्नि जीवा ता बुद्धि माकुन हमेषा प्रेरणा इसोरेने मंता । नक्सलबाड़ी सशस्त्र क्रांतिकारी किसान संघर्ष आसि 50 साल पूरा आत्ता । अद्रमे कॉमरेड नारायण सन्याल रोमवालेवा संघर्ष कीसोरे हेंग दशाब्दि आत्ता । इंजे ओर मना कुन विड़िचि अत्तोर । ओर मना कुन उंदि आदर्श आंदूर । पार्टी, पीएलजीए, क्रांतिकारी जन संगठन कुना लोपा हर कॉमरेड ओरगडल करियना, ओना कम्युनिस्ट लक्षण कुन एतना । कॉमरेड नारायण सन्याल तल प्रेरणा एति मंजि शासक वर्ग कुना, साम्राज्यवादीरा, ओर किन सेवा कीयना ब्राह्मणीय हिंदू फासीवादीरा हमलांग कुन हारा कीसोरे दीर्घकालिन जन युद्ध ते हिम्मत ते मुन्ने दायना इंजि सीसी आह्वान ईसोरेमंता । मना जीवा ता बिजय दादा कुन लाल लाल जोहार, विनम्र निवालि! कॉमरेड बिजय दादल बंद आशय काजे पिस्सि शहीद आत्तोर, अद आशय कुन पूरा कीयना काजे हर अड्डम तुन वेंडि मंजि दीर्घकालिन जन युद्ध दिशा ते काम कीतोम इंजि किरिया कीयकल ।